

Bosna i Hercegovina
Federacija Bosne i Hercegovine
ZENIČKO-DOBOJSKI KANTON

MINISTARSTVO ZA OBRAZOVANJE,
NAUKU, KULTURU I SPORT



Bosnia and Herzegovina
Federation of Bosnia and Herzegovina
ZENICA-DOBOJ CANTON

MINISTRY OF EDUCATION,
SCIENCE, CULTURE & SPORT

I Z V J E Š T A J

o radu Ministarstva za januar-decembar 2011. godine

Zenica, 13. januar 2012. godine

I UVOD

U periodu januar-decembar 2011. godine, poslovi i zadaci Ministarstva su izvršavani u skladu sa planiranom dinamikom, i to u sektorima za obrazovanje i nauku, kulturu i sport, inspekciji za obrazovanje i nauku, kao i Pedagoškom zavodu Zenica. U realizaciji planiranih i povjerenih poslova i zadataka iskazana je potrebna ažurnost po svim resornim oblastima odnosno izvršiocima kako slijedi:

II POSEBNI DIO

Sekretar Ministarstva

Tokom izvještajnog perioda, (januar- decembar 2011. godine), sekretar Ministarstva je, u skladu sa planiranim Programom rada i Planom Ministarstva, izvršio sve neophodne pripreme za koordinaciju rada između sektora i organizacionih jedinica kao i drugih kantonalnih organa i ustanova, izvršavanju zaključaka Kolegija, ali i druge neposredne poslove i zadatke po nalogu ministrice.

S tim u vezi nastavljen je angažman, usmjeren ka realizaciji priprema i mjera resornog ministarstva u koordiniranom postupanju i neposredne saradnje utuženih škola i Pravobranilaštva po pristiglim izvršnim sudskim naslovima po pravosnažnim presudama (ulaganje prigovora i žalbi od strane menadžmenta škola), a zbog neprimjenjivanja odredbi Kolektivnog ugovora za oblast obrazovanja, zatim drugih utuženja obrazovnih ustanova (obligacioni odnosi, ugovori o radu), kao i svih drugih sporova, odnosno aktuelnih pitanja vezanih za procedure izbora i imenovanja direktora škola, te finalnoj pripremi traženih materijala za potrebe premijera, sekretara Vlade i Pravobranilaštva.

Izvršene su konsultacije i koordinacija za postupanje prosvjetne inspekcije, kao i druga potrebna usaglašavanja po pitanju izdavanja različitih upozorenja sa ciljem efektivnog postizanja zakonskog postupanja u spornim pitanjima u vršenju nadzora nad primjenom obrazovnih propisa u svim segmentima obrazovanja. S tim u vezi donesena su sva drugostepena rješenja po izjavljenim žalbama na prvostepena rješenja inspekcije za obrazovanje, a dati su i odgovori na tužbe u pokrenutim upravnim sporovima pred nadležnim Kantonalnim sudom u Zenici. Pored toga, održani su i zajednički radni sastanci sa predstavnicima Misije „OSCE“-a u BiH, Glavnog ureda u Sarajevu i Terenskog ureda u Zenici, na kojem su razmjenjena stručna mišljenja i analizirana stajališta resornog ministarstva po pitanju nastavka započetih reformskih procesa u obrazovanju, učešća u radu Izvještajne konferencije u Tuzli, po pitanjima provedene obuke menadžmenta škola, odnosno implementacije zajedničkih projekata, te priprema za nastavak započete obuke za direktore škola u saradnji sa Pedagoškim zavodom, a koja je uspješno realizovana na tri lokacije (Visoko, Zenica i Tešanj), o čemu su tokom decembra izdata i uvjerenja. Pored naprijed navedenog, sekretar je aktivno učestvovao u radu „World Vision“-ADP odbora „Lašva“, (kao lokalne akcione grupe), za

područje Središnje Bosne, i to na ocjeni i realizaciji projekata u lokalnoj zajednici (škole, UG-a), na području općinama Zenica, Kakanj i Visoko. Također, su realizovane sve aktivnosti na pripremi, prikupljanju i dostavi traženih podataka i informacija za premijera Vlade Kantona, a koji su se odnosili na obrazloženja propisa i procedura iz segmenta naše zakonske nadležnosti. Sekretar je objedinio setove nedostajućih pravilnika iz oblasti predškolskog odgoja i obrazovanja koji su izradile i usaglašeno dostavile prethodno formirane radne grupe, zatim lekturu i korekturu Cjelovitog razvojnog programa koji je putem Sekretarijata za zakonodavstvo, upućen na objavljivanje. Nakon ovog dijela zadataka iz predškolstva, pripremljeni i sve potrebni radni materijale za izradu prijedloga zakona o izmjenama i dopunama obrazovnih zakona koji su usvojeni od strane Skupštine Kantona. Nakon njihovog usvajanja, izrađeni su po hitnom postupku, potrebni pravilnici-provedbeni akti, koji su, također upućeni na objavljivanje u „Službene novine ZDK-a“.

Pored toga, sevisirani su i svi drugi zahtjevi od strane sekretara Vlade Kantona, a koji se odnose na blagovremenu dostavu usaglašenih i pregledanih materijala-prijedloga odluka, rješenja i zaključaka, za sjednice Vlade, (uključujući i postupanje po izmjenjenom Programu rada), a dati su odgovori na postavljena poslanička pitanja u Skupštini Kantona. Uspješno su rješavana i sva druga aktuelna pitanja iz nadležnosti Odsjeka za poslove saobraćajne edukacije, čiji su zaposlenici poseban angažman usmjerili na pripremi i provođenju javnih nabavki u dijelu osiguranja besplatnog prijevoza za učenike osnovnih škola u saradnji sa ovlaštenim predstavnicima Sektora pri Ministarstvu za promet i komunikacije ZDK-a. Nakon izrade i dostave tenderske dokumentacije i davanje pojašnjenja zainteresovanim prijevoznicima-ponuđačima, provedena je procedura javne nabavke, koja je potom ponovljena u dijelu za kojeg nije bilo moguće izabrati najpovoljnijeg ponuđača, (podijeljeni stavovi-mišljenja Agencije za javne nabavke i Ureda za razmatranje žalbi BiH). Također je nastavljen neposredan rad na poslovima kontrole rada ovlaštenih ispitivača tokom provođenja ispita na području Kantona, odnosno rješavanja svih aktuelnih pitanja i uočenih problema na ispitnim mjestima iz ovog segmenta rada organa kantonalne uprave, o čemu su sačinjeni redovni mjesečni izvještaji uz priložene zapisnike sa kontrolisanih ispitnih mjesta. Postupajući po nalogu ministricе, sekretar je aktivno učestvovao u radu radionica EU-pomoć visokom obrazovanju u BiH“- (Trebinje i Jahorina), na kojima je nakon analize stanja, pripremljen i usaglašen Prijedlog teksta obavezujućih preporuka i zaključaka za potrebe institucija u BiH, a zatim i započetom projektu „Evropske komisije-prava nacionalnih manjina“, (Sarajevo), te projekata cjeloživotnog učenja-obrazovanja odraslih, kao i projekta Austrijske agencije „Kultur kontakt“- Ured u Sarajevu. Tokom decembra, izrađene su i adekvatne izmjene i dopune provedbenih podzakonskih akata o formiranju i radu školskih odbora, imenovanju direktora škola, osposobljavanju školskog menadžmenta, kao i usaglašene izmjene i dopune pravilnika i stručnom usavršavanju nastavnika, stručnih saradnika i saradnika, nakon čega su isti upućeni na objavljivanje putem Sekretarijata za zakonodavstvo. U izvještajnom periodu, pripremljen je i pravni okvir za

buduću saradnju na projektima korištenja sredstava „IPA fondova EU“, između „REZ agencije Zenica“ i Ministarstva.

SEKTOR ZA OBRAZOVANJE I NAUKU

Predškolsko i osnovno obrazovanje

Godišnji izvještaj za 2011. godinu, planski i ažurno su izvršavane sve povjerene nadležnosti u segmentu predškolskog odgoja i obrazovanja kao i osnovnog obrazovanja i odgoja, i to:

Tokom januara 2011. godine, u periodu kada škole i učenici koriste zamski raspust, obavljale su se aktivnosti i koordinacija rada za dostavu uglja i drveta školama, jer novi isporučilac uglja, RMU Zenica, sa kime je Ministarstvo za obrazovanje, nauku, kulturu i sport Zeničko-dobojskog kantona potpisalo Ugovor (krajem decembra 2010. godine), nije mogao odmah pristupiti njegovoj realizaciji, odnosno kontinuirano i za kratko vrijeme isporučiti odmah veće količine uglja.

Nostrifikacija i ekvivalentno prevođenje bili su konstatni poslovi i zadaci u januaru 2011. godine, kao i saglasnosti za konkurse školama, analize, informacije, podaci za Federalno ministarstvo obrazovanje, za Vladu Kantona.

Februar mjesec 2011. godine, je period izraženih aktivnosti koje su karakteristične za početak drugog polugodišta 2011. godine u osnovnim školama i predškolskom odgoju i obrazovanju, pri čemu je zbog otežanog iskopavanja uglja i ukupnog snabdijevanju ogrevnim derivatima škola, problem zagrijavanja škola svakodnevno bio aktuelan. Podsjećamo da je snabdjevač, RMU „Zenica“, zbog velike potrošnje uglja, kao i zbog nedostatka kamiona i velikih hladnoća, nije mogao pratiti dinamiku i potrebe škola, te je, stoga objektivno bilo određenih problema i poremećaja u zagrijavanju škola. Ipak, RMU „Zenica“ je uvijek intervenirao shodno aktualnim potrebama škola.

U februaru mjesecu su u segmentu predškolskog odgoja i obrazovanja u „Službenim novinama“ objavljeni Pedagoški standardi, a u Registar predškolskih ustanova upisana je Igraonica „Leptirić“ u Tešnju. Također je organizovano 19 stručnih ispita za predškolstvo i osnovno obrazovanje, gdje je izdato oko 100 Rješenja komisijama, kandidatima, stručnim saradnicima i školama, a nakon toga izdato je 17 uvjerenja o položenom stručnom ispitu.

Konstantni poslovi i zadaci kao i u ostalim mjesecima su davanje saglasnosti za raspisivanje oglasa, konkursa, saglasnosti za učešće škola i učenika na takmičenjima u inostranstvu i sl. Rješavanje tehnološkog viška uposlenika, normi časova, prava i statusa volontera, tumačenja uputstava, propisa, Zakona, pojašnjenja različitih upravnih akata, te analize i podataka za Federalno ministarstvo i Ministarstvo civilnih poslova su realizirani u februaru mjesecu 2011. godine.

U martu mjesecu 2011. godine, dominirajuće, aktivnosti, poslovi i zadaci su bili na obezbijedenju ogrijevnih derivata, drveta, uglja i lož-ulja za osnovne i srednje škole.

Količine uglja, koje školama nije uspio isporučiti RMU Kakanj, su putem zaključivanja aneksa ugovora sa RMU Zenica količinu cca. 400 tona je isporučio RMU Zenica.

Zbog dužeg trajanja hladnih dana i zimske sezone sačinjena je preraspodjela određenih količina uglja za škole kojima je opredijela potrebne količine uglja.

Krajem marta apslovirane su sve aktivnosti na dopremi uglja i drveta, osim onih škola kojima predviđena količina uglja nije isporučena.

Nostrifikacija dokumenata, naročito učenika, koji su došli iz Libije, kao i iz drugih zemalja je stalan posao koji se odvijao kontinuirano. U martu mjesecu su aktuelizirana rješenja o imenovanju komisija za izradu propisa-pravilnika o predškolstvu, usklađivanje sa zakonom, tako da su dati rokovi i određena dopuna komisija.

U martu mjesecu su već bile aktuelne eskurzije učenika i zahtjeva za saglasnosti koje izdaje Ministarstvo, kao i konkursi za popunu radnih mjesta potrebnim uposlenicima. U martu mjesecu je organizovano 30 stručnih ispita, za 30 kandidata iz osnovnih škola. Tom prilikom je izdato više od 150 rješenja školama, komisijama, kandidatima i saradnicima, a nakon ispita je izdato 30 uvjerenja o položenom stručnom ispitu.

Pored navedenih poslova i zadataka date su saglasnosti za takmičenja učenika, za odsustvo iz Bosne i Hercegovine.

April mjesec je period u kojem su iz oblasti predškolskog odgoja i obrazovanja urađeni prijedlozi za akta, pravilnike, Pravilnik o upisu u Registar predškolskih ustanova, Pravilnik o stručnim ispitima za odgajatelje te, Prijedlog pravilnika o evidenciji i dokumentaciji, Pravilnik o stručnom nadzoru kao i Prijedlog cjelovitog odgojno obrazovanog programa za predškolski odgoj i obrazovanje s tim u vezi održan je niz sastanaka radnih grupa o ažuriranju aktivnosti na izradi podzakonskih akata. U aprilu mjesecu 2011. godine sačinjen je plan potrošnje uglja i drveta za zagrijavanje škola u 2011/12. školskog godini, i dobavljačima uglja i drveta dostavljen plan da naprave ponudu sa cijenama radi provođenja natječaja, izbora najpovoljnijeg ponuđača i nakon toga potpisivanje ugovora o isporuci. U aprilu mjesecu organizirano je polaganje stručnih ispita za 34 kandidata, i s tim u vezi izdato je više od 150 rješenja Komisijama, školama, stručnim saradnicima i saradnicima. Ekvivalentno prevođenje je u aprilu bio stalan posao. Saglasnosti za eskurzije, konkurse, izrada podataka za Federalno ministarstvo i Ministarstvo za ljudska prava i izbjeglice BiH, uputstva, tumačenja, odgovori na akte po obavezi, razne saglasnosti, uvjerenja, rješenja za komisije su dio poslova obavljenih u aprilu 2011. godine.

Period mjesecu maja 2011. godine je vrijeme užurbanih aktivnosti na pripremi završetka školske 2010/11 godine. Tako je u izvršen upis u prvi razred osnovnih škola i formirana su odjeljenja. U maju mjesecu, shodno Zakonu o predškolstvu urađena su sva podzakonska akta – Pravilnici, a vezano za Zakon o osnovnoj školi urađen je Prijedlog o izmjenama i dopunama navedenog Zakona. U maju mjesecu održano je više od 40 stručnih ispita za nastavnike osnovnih

škola i s tim u vezi izdato je više od 160 rješenja, komisijama, školama, kandidatima i saradnicima, a potom izdato 40 uvjerenja kandidatima. Najizraženiji poslovi u maju mjesecu su bili saglasnosti za ekskurzije, konkurse, rješenja, odgovori na akta po obavezi .

Tokom mjeseca juna 2011. godine, ažurirane su sve dodatne aktivnosti planirane za završetak tekuće školske 2010/2011. godine. U junu mjesecu, shodno odredbama Zakonu o predškolstvu, urađene su i upućene na objavljivanje u „Službene novine ZDK-a“, finalne verzije podzakonskih akata – pravilnici, kao i Cjeloviti razvojni program.

U segmentu osnovnog obrazovanja i odgoja, izrađen je Prijedlog Zakona o izmjenama i dopunama Zakona o osnovnoj školi, koji je i usvojen po skraćenom postupku, na sjednici Skupštine od 30. 06. 2011. godine. Također su izvršene sve pripreme za realizaciju planiranih javnih nabavki za prijevoz učenika osnovnih škola koji ostvaruju pravo na povlastice u prijevozu. U junu mjesecu održani su svi planirani stručni ispiti za nastavnike osnovnih škola, a s tim u vezi, izdato je više od 110 rješenja, komisijama, školama, kandidatima i saradnicima, a potom su izdata i uvjerenja kandidatima.

Juli mjesec je za odjel predškolsko i osnovno obrazovanje bio period intenzivnih aktivnosti na donošenju objavljivanju programa-cjeloviti razvojni program u oblasti predškolstva, te drugi podzakonski akti, saglasnosti za odjeljenja za 60 škola, usklađivanje organizacije za školsku 2011/12. godinu, rad na pripremi dokomuntacije za rješavanje tehnološkog viška u školama. Tom prilikom je izdato više od 270 rješenja tehnološkog viška djelimičnog ili potpunog, te korigovano 20 rješenja uposlenicima. U navedenom periodu date su saglasnosti za konkurse za upošljavanje uposlenika, popunjavanje časova, rješavanje akata po obavezi i sl.

Mjesec august 2011.godine je ispunjen najraznovrsnijim i najbitnijim, kao i najsloženijim poslovima, kao što su saglasnosti za konkurse, ekskurzije,odjeljenja, tehnološki višak, promjena naziva Osnovne specijalne škole, priprema početka nove školske godine organizacija stručnih ispita, izrada rješenja za škole, kandidate, komisije, izrada informacija, analiza, podataka za Federalno ministarstvo, Ombudsmene Federacije, Agenciju za predškolstvo, Ministarstvo za ljudska prava i izbjeglice i sl.

Početak školske godine je dobrim dijelom odredio pravce izvršenja zadatka u septembru mjesecu 2011. godine.

Provođenje procedure određivanja tehnološkog viška, korespondencija u tom smislu , izrada valjane dokumentacije, saglasnosti za konkurse, dačke ekskurzije, za prevoz učenika distribucija uglja i drveta za zagrijavanje škola, nostrifikacija i ekvivalentno prevođenje za djecu iz inostranstva, imenovanje članova školskih odbora, uređenje evidencije u školama.

Pitanje tehnološkog viška, je također bilo aktuelno i u oktobru mjesecu 2011. godine, te izrada konačne analize o tehnološkom višku za potrebe Ministarstva za obrazovanje, izrada analiza i informacija za Federalno ministarstvo obrazovanja, podaci o predškolstvu promjena naziva

Osnovne specijalne škole u Zenici, upis u Registar osnovnih škola, distribucija uglja i drveta školama, nostrifikacija i ekvivalentno prevođenje za djecu iz inostranstva.

U novembru mjesecu 2011. godin vođene su i intenzivne aktivnosti u oblasti predškola. Po rješenju Ministarstva izvršen je komisijski pregled uvjeta i usklađenosti akata sa novim propisima iz predškolskog obrazovanja, tako da je do 18.11.2011. godine izvršen komisijski pregled u više od 20 predškolskih ustanova (državne i privatne) i tom prilikom sačinjena dokumentacija, kao i zapisnici.

U decembru 2011. godine od prioriteta zadataka je rješavano pitanje volontera iz osnovnih škola (110) i rješavanje pitanja volontiranja u školama, davanje saglasnosti za konkurse, analiza obrazovanja odraslih, analiza provođenja Akcionog plana za pravo Roma, prikupljanje podataka od škola o Romima, dostavljanje odgovora Ombudsmenima Federacije, Agenciji za predškola osnovno i srednje obrazovanje.

U toku 2011. godine školama je distribuirano 3.575 t. uglja, 1.399,10 m³ drveta, održano 250 stručnih ispita, izdato 250 uvjerenja kandidatima, obezbijeđeno 250 tema za stručne ispite, izdato više od 1000 rješenja školama, kandidatima, komisijama i saradnicima izdato je više od 300 rješenja za tehnološki višak, više od 200 saglasnosti za konkurse, 20 saglasnosti za volontiranje, više od 50 saglasnosti za prelazak iz škole u školu, ekskurzije, nostrifikacije i sl. na stotine odgovora na akta po obavezi i sl.

Srednje obrazovanje

U januaru mjesecu je bila aktuelna i aktivnost oko prikupljanja i obrade podataka u vezi sa kapitalnim ulaganjima u osnovnim i srednjim školama za period 2008., 2009. i 2010. godina.

U januar i februaru 2011. godine mjesecu je bila aktuelna i aktivnost oko prikupljanja i obrade podataka u vezi sa podacima za popisne liste sredstava i opreme kojim raspolaže Ministarstvo za obrazovanje, nauku, kulturu i sport Zeničko-dobojskog kantona.

U martu, aprilu i decembru mjesecu su prikupljeni podaci o učenicima romske populacije u srednjim školama.

U martu i aprilu mjesecu je pokrenuta aktivnost i oko evidencije o konstitutivnosti naroda u školskim odborima osnovnih i srednjih škola.

U martu mjesecu su prikupljeni podaci o ispunjavanju jednog od uslova za penzionisanje uposlenika u osnovnim, srednjim školama Zenice do kantona i Univerzitetu u Zenici.

U aprilu, maju, junu i julu mjesecu su obavljene i aktivnosti oko izrade i objavljivanja Izmjene pravilnika o vođenju dokumentacije i evidencije po modularnom nastavnom planu i programu, kao i Izmjene pravilnika o ocjenivanju učenika po modularnom nastavnom planu i programu.

Urađeni i nastavni planovi i za primjenu modularne metodologije za 75 zanimanja.

U aprilu mjesecu su prikupljeni podaci o ispunjavanju jednog od uslova za penzionisanje uposlenika u osnovnim, srednjim školama Ze- do kantona i Univerzitetu u Zenici.

Juli mjesec su karakterizirale i sve aktivnosti oko izdavanja saglasnosti za:

- broj odjeljenja u osnovnim i srednjim školama,
- prijem zaposlenika u osnovnim i srednjim školama

Avgust mjesec su karakterizirale i sve aktivnosti oko izdavanja saglasnosti za:

- broj odjeljenja u osnovnim i srednjim školama,
- prijem zaposlenika u osnovnim i srednjim školama,
- organizaciju učeničkih ekskurzija za srednje škole.

Urađena je i cjelokupna analiza podataka iz dostavljenih Godišnjih planova i programa srednjih škola

Septembar i oktobar mjesec su karakterizirale i sve aktivnosti oko izdavanja saglasnosti za prijem zaposlenika u osnovnim i srednjim školama,

U septembru i oktobru i decembru mjesecu su pokrenute sve aktivnosti za verifikaciju i izdavanje rješenja o verifikaciji rada srednjih škola.

U novembru mjesecu su pokrenute sve aktivnosti za verifikaciju i izdavanje rješenja o verifikaciji rada srednjih škola.

Pokrenute su i realizirane aktivnosti oko prikupljanja podataka o vanrednim učenicima u proteklih pet školskih godina. Također prikupljeni su podaci o broju djece romske populacije.

Izvršene su detaljne anlike o angažovanim volonterima u osnovnim i srednjim školama, te izdrata rješenja za prijem istih u onim srednjim školama koje nisu imale angažovana do dva volontera po školi.

Urađene su aktivnosti YERP Radne grupe kroz angažovanje u radu Radne grupe na održavanju i zapšljavanju mladih.

U 2011. godini pokrenute su i realizirane aktivnosti oko prikupljanja podataka o vanrednim učenicima u proteklih pet školskih godina. Također prikupljeni su podaci o angažovanim volonterima u srednjim školama i broju djece romske populacije.

U januaru-februar u 2011. godine su realizirane i aktivnosti oko zbirnog pregleda kapitalnih ulaganja po bilo kojem osnovu u 2007., 2008., 2009. i 2010. godini u osnovnim i srednjim školama na području Zeničko-dobojskog kantona.

Period januar-decembar 2011. godine je obilježila i završna realizacija projekta tendera za sanaciju krovova, stolarije, podova i instalacije grijanja u srednjim školama na području cijelog Kantona, tj. izvršeni interni tehnički prijemi radova.

U navedenom periodu su pokrenuta je aktivnost oko instalacije grijanja i rekonstrukcije objekata u nekim osnovnim i srednjim školama na području kantona na osnovu tenderski izabranih izvođača radova.

U 2011. godini su obavljene aktivnosti na planu revizije i dopune podataka o sastavu članova školskih odbora u srednjim školama, kao i o konačnom imenovanju i razrješenju članova školskih odbora, kao i o punuđenim mandatima članova školskih odbora u osnovnim i srednjim školama.

U 2011. godini su obavljene aktivnosti oko sufinansiranja Franjevačke gimnazije u Visokom prema Izmjenama Zaključka o usvajanju Programa o utrošku sredstva.

U 2011. godini su obavljene sve aktivnosti oko priprema za potrebni ogrijevni materijal (ugalj, drvo, lož ulje, nafta) za osnovne i srednje škole.

Pokrenute su i realizirane aktivnosti oko Plana upisa učenika u I razred srednje škole u prvom i drugom upisnom roku, kao i upis vanrednih učenika.

2011. godini su karakterizirale i sve aktivnosti oko izdavanja saglasnosti za prijem zaposlenika u osnovnim i srednjim školama.

U 2011. godini su obavljene aktivnost rada Komisije za zbrinjavanje tehnološkog viška uposlenika u srednjim školama. Aktivnost rada Komisije za zbrinjavanje tehnološkog viška uposlenika se ogledala u prikupljanju podataka o trenutnoj situaciji u svim srednjim školama i davanje preporuka da bi se mogle preduzeti potrebne aktivnosti oko rješavanja zaposlenosti (nezaposlenosti).

U periodu od januara - decembra 2011. godine organizovani i stručni ispiti za uposlenike srednjih škola.

U 2011. godini dati su odgovori na sva akta po obavezi, odgovori na razne dopise, zahtjeve, saglasnosti, uputstva, tumačenja strankama, nastavnicima i školama.

Visoko obrazovanje i naučno-istraživački rad

U oblasti visokog obrazovanja i naučno-istraživačkog rada u 2011. godini izvršeni su slijedeći poslovi i zadaci.

S obzirom da Bužet Kantona za 2011. godinu nije usvojen u januaru, Ministarstvo za obrazovanje, nauku, kulturu i sport isplatu sredstava sa pozicija: „Transfer za smještaj studenata u studentske centre“ vršilo je na osnovu Zaključka Vlade Kantona o davanju saglasnosti na isplatu sredstava po osnovu Odluke o privremenom finansiranju Zeničko-dobojskog kantona za period januar-mart 2011. godine. Nakon usvajanja Budžeta Kantona za 2011. godinu urađeni programi utroška sredstava za pomenuti, kao i za „Transfer za stipendiranje studenata“ i „Transfer za naučno-istraživačku djelatnost“.

Po usvajanju Budžeta Zeničko-dobojskog kantona za 2011. godinu pokrenuta je procedura dodjele stipendija redovnim studentima sa područja Zeničko-dobojskog kantona u akademskoj 2010/2011. godini. Nakon usvajanja Prijedloga odluke o odobravanju sredstava i Prijedloga kriterija za dodjelu stipendija, objavljen je Kokurs, te u općinama provedena procedura izrade preliminarne

i konačnih preliminarne lista za dodjelu jednokratne bespovratne pomoći. Izvršena i provjera spiskova korisnika usluga smještaja i ishrane u studentskim centrima u Federaciji Bosne i Hercegovine, kao i dostupnih podataka o korisnicima stipendije po bilo kom drugom osnovu, a u skladu s Kriterijima za dodjelu. Ukupno isplaćeno 1431 stipendija-bespovratna pomoć u iznosu od 700 KM po studentu, u dva jednaka iznosa po 350,00 KM.

Na osnovu mjesečnih faktura subvencionirani su smještaj i ishrana redovnih studenata sa područja Zeničko-dobojskog kantona u studentskim centrima: Sarajevo, Tuzla i 2x Mostar (Univerzitet i Sveučilište). Za četiri studentska centra koja se finansiraju direktno sa pozicije Transfer za smještaj studenta u studentske centre, tokom 2011. godine sufinansirano mjesečno prosječno 755 studenata, u pojedinačnom iznosu od 189,00 KM. Za 140 studenata u Studentskom centru Zenica sufinansiranje vršeno putem Budžeta Univerziteta.

U skladu sa Programom utroška sredstava sa „Transfera za naučno-istraživačku djelatnost“, realizovan je prevoz učenika osnovnih i srednjih škola sa područja Zeničko-dobojskog kantona na federalna, državna i međunarodna takmičenja iz matematike, fizike i engleskog jezika. Pored toga, pojedincima su dodijeljena sredstva za učešće na naučnim skupovima, za izradu univerzitetskih udžbenika, za organizovanje naučnih skupova i izradu magistarskih i doktorskih radova, te je izvršena raspodjela otkupljenih univerzitetskih udžbenika. Provedena je konkursna procedura dodjele sredstava za odbranu magistarskog i dokorskog rada.

Izvršeno je prestrukturiranje rashoda u Budžetu Kantona za 2011. godinu (sa „Transfera za naučno-istraživačku djelatnost“ na „Transfer za stipendiranje studenata“ u iznosu od 2.100 KM).

Pripremljeni su izvještaji za Ministarstvo finansija: kvartalni, šestomjesečni i godišnji izvještaji o namjenskom utrošku budžetskih sredstava za 2011. godinu sa transferâ u nadležnosti saradnika za visoko obrazovanje (*Transfer za naučno-istraživačku djelatnost, Transfer za smještaj studenata u studentske centre, Transfer za stipendiranje studenata*).

Na osnovu Informacije o postupku izbora prorektora, koju je proveo Senat Univerziteta u Zenici, Vlada Kantona je donijela pojedinačne saglasnosti na imenovanje četiri prorektora: Safeta Brdarevića za prorektora za nastavu i studentska pitanja, Darka Petkovića za prorektora za međunarodnu saradnju i osiguranje kvaliteta; Refika Ćatića za prorektora za naučno-istraživačku djelatnost i Mirsadu Oruč za prorektora za finansije i razvoj.

Ministarstvu su se obratili Fakultet za menadžment i poslovnu ekonomiju Univerziteta u Travniku i Internacionalni univerzitet „Felicitas“ Zenica, s ciljem pokretanja nastave, odnosno osnivanja visokoškolske ustanove, ali su odbijeni jer su zahtjevi podneseni nakon isteka zakonskog roka za podnošenje zahtjeva za izdavanje rješenja o ispunjavanju uvjeta za početak rada i obavljanje djelatnosti.

Izrađeni pravilnici:

- *Pravilnik o sadržaju i načinu vođenja matične knjige i knjige evidencije o izdatim diplomama i dodacima diploma studenata prvog ciklusa studija*, objavljen u „Službenim novinama Zeničko-dobojskog kantona“, broj: 13/11.

- *Pravilnik o sadržaju javnih isprava*, objavljen u „Službenim novinama Zeničko-dobojskog kantona“, broj: 10/11. Izrađena je Informacija u vezi sa smještajem i ishranom studenata u studentskim centrima u Federaciji BiH za period 2001-2010. godina.

Izrađeni su Kriteriji za dodjelu stipendije izuzetno nadarenim učenicima i studentima za školsku/akademsku 2011/2012. godinu.

Redovno su pisani mjesečni nalozi za plaćanje po pristiglim fakturama za tekuće transfere, kao i nalozi po pojedinačnim zaključcima Vlade Kantona. Svim korisnicima budžetskih sredstava sa tri tekuća transfera u nadležnosti saradnika za visoko obrazovanje upućen zahtjev za dostavu izvještaja, uz primjedbe i preporuke iz izvještaja Ureda za reviziju budžeta.

U vezi sa pitanjem definiranja zvanja završenika Odsjeka za proizvodni biznis Mašinskog fakulteta u Zenici – diplomirani proizvodni inženjer, u saradnji sa predstavnicima Mašinskog fakulteta izvršeno je uvrštavanje u spisak zanimanja Agencije za statistiku BiH (skupina 2149 – INŽENJERSKI STRUČNJACI DRUGDJE NERASPOREĐENI).

Odgovoreno na sve dopise upućene Ministarstvu u vezi sa traženjem materijalne pomoći po bilo kom osnovu, kao i na dopise u kojima se traže informacije u vezi sa visokim obrazovanjem i naukom, zdravstvenim osiguranjem studenata, dodjelom stipendija. Odgovoreno na poslanička/vijećnička pitanja, te dostavljena tražena dokumentacija ili mišljenja na zakone i pravilnike.

Provedena je procedura davanja saglasnosti Univerzitetu u Zenici na Plan upisa, visinu školarine i participaciju, visinu školarine za studente strane državljanke i visinu naknade za spoljne saradnike koji realizuju nastavni proces u prvom i drugom ciklusu studija u akademskoj 2011/2012. godini. Pored toga odobren je naknadni upis studenata na fakultete Univerziteta u Zenici studenata, pripadnika boračke kategorije.

Fakultetu strojarstva i računarstva Mostar data je saglasnost za izvođenje dijela nastave u Žepču i za akademsku 2010/2011. godinu, ali samo za drugu i treću godinu studija, s obzirom na smanjeni interes studenata za ovaj studij.

Provedena je procedura organizovanja Politehničkog fakulteta: Vlada Kantona donijela je zaključak o usvajanju izvještaja Komisije matičara, Skupština Kantona usvojila je Odluku o organizovanju Politehničkog fakulteta, sa novim studijskim programom-Građevinarstvo. Ministrica formirala Komisiju za utvrđivanje ispunjenosti uvjeta za početak rada i obavljanje djelatnosti, izdato Rješenje o ispunjavanju uvjeta za obavljanje djelatnosti i početak rada.

Agenciji za razvoj visokog obrazovanja i osiguranje kvaliteta upućen je zahtjev za imenovanje Komisije stručnjaka za akreditaciju Univerziteta u Zenici.

Skupština Kantona usvojila je Zakon o izmjeni Zakona o Javnoj ustanovi Univerzitet u Zenici - izmjena u skladu sa Klasifikacijom djelatnosti 2010 („Službene novine Zeničko-dobojskog kantona“, broj: 10/11). Takođe, po hitnom postupku donesen je i Zakon o izmjeni i dopuni Zakona o Javnoj ustanovi Univerzitet u Zenici u vezi sa organizovanjem nove organizacione jedinice- Politehničkog fakulteta („Službene novine Zeničko-dobojskog kantona“, broj: 16/11).

Odsjek za poslove saobraćajne edukacije

U periodu od 01.01.2011. godine do 31.12.2011. godine Odsjek za poslove saobraćajne edukacije je postupajući u okviru svoje nadležnosti:

- Putem Ispitne komisije za vozače – motornih vozila Zeničko-dobojskog kantona na 10 ispitnih mjestima proveo **12.793** ispita za vozače motornih vozila, od čega je održano: 7.341 ispita iz upravljanja motornim vozilom i 5.452 ispita iz poznavanja propisa o sigurnosti saobraćaja na cestama. Statistički posmatrano, stepen prolaznosti na ispitu iz upravljanja motornim vozilom je 58,37 %, tj. od 7.341 održanih ispita kandidati su položili 4.285 ispita, a na 3.056 ispita kandidati nisu pokazali potreban nivo znanja. Stepenn prolaznosti kandidata na ispitu iz poznavanja propisa o sigurnosti saobraćaja na cestama je 66,56 % tj. od 5.452 održanih ispita kandidati su položili 3.629 ispita, a na 1.823 ispita kandidati nisu pokazali potreban nivo znanja.
- Izdao 7.914 uvjerenja o položenom ispitu (iz poznavanja propisa o sigurnosti saobraćaja na cestama i upravljanja motornim vozilom).
- Raspisao 1 javni poziv za sticanje zvanja instruktora vožnje motornih vozila, organizovao, te putem imenovane komisije proveo pripremnu nastavu i predviđene ispite. Od 17 prijavljenih kandidata 12 kandidata položilo je ispit za sticanje zvanja instruktora vožnje motornih vozila, i istim su izdate odgovarajuća uvjerenja o položenom ispitu za instruktora vožnje motornih vozila.
- Nakon izvršenih provjera u Ministarstvu unutrašnjih poslova F BiH zamijenio 1 dozvolu za instruktora vožnje motornih vozila.
- Izdao 13 dozvola za instruktora vožnje motornih vozila.
- Izdao 1 licencu ispitivača praktičnog dijela ispita.
- Vodio Registar autoškola koje djeluju na području Zeničko – dobojskog kantona.
- U saradnji sa JP CESTE FEDERACIJE BIH i SweRoad (Swedish National Road Consaltig AB) organizovao stručno usavršavanje za lica koja su uključena u proces osposobljavanja i provjere znanja kandidata za vozače motornih vozila.
- Izradio 2 prijedloga pravilnika iz nadležnosti Odsjeka, i to:

- Pravilnik o radi komisije za kontrolu uvjeta i načina rada autoškola i
 - Pravilnika o radu komisije za kontrolu polaganja vozačkih ispita.
- Postupajući u upravnim stvarima iz svoje nadležnosti donio 115 (raznih) Rješenja, 1 zaključak i više stotina raznih akata.
 - Vršio obračun naknada za članove komisija (Ispitna komisija za vozače motornih vozila, Komisija za utvrđivanje uvjeta rada autoškola, Komisija za kontrolu uvjeta rada autoškola, Komisija za kontrolu polaganja vozačkih ispita, Komisija za provođenje ispita za sticanje licence ispitivača, Komisija za provođenje ispita za sticanje zvanja vozača-instruktor motornih vozila), te izradio 967 rješenja o novčanoj naknadi članovima komisija.
 - Na osnovu izvještaja o radu Komisije za kontrolu polaganja vozačkih ispita i Komisije za kontrolu uvjeta rada autoškola Odsjek je poduzimao mjere prema ispitivačima i autoškolama u čijem radu su uočene nepravilnosti, te je istim uputio 126 upozorenja za otklanjanje uočenih nepravilnosti u radu.
 - Vodio mjesečnu evidenciju o prolaznosti kandidata za vozače motornih vozila i objavio šestomjesečnu prolaznost na web stranici ZDK, a u toku su završne pripreme za objavu godišnje prolaznosti kandidata za vozače motornih vozila.
 - Vršio prodaju administrativnog materijala za potreba autoškola, i to: 3.726 knjižica kandidata, 89 dnevnika rada vozača instruktora i 51 dnevnika o izvođenju nastave iz poznavanja propisa., pri čemu je ostvareno **15.129,00 KM**.
 - Vršio knjigovodstvenu obradu pristiglih faktura i mjesečni unos istih u ORACLE sistem (obrazac 1., 2., 3. i 4.), kao i mjesečni unos naknada članova komisija u OCEAN sistem obračuna.
 - Vršio praćenje rashoda (naknade po komisijama i troškova kancelarijskog materijala po pristiglim fakturama) i prihoda u cilju praćenja ostvarenih neutrošenih sredstava. (Neutrošena sredstva za period od **01.01.2011. godine do 30.11.2011. godine** iznosila su **412.385,00 KM**).
 - Vodio mjesečne izvještaje o isplati dodatnih primanja za članove komisija (Ispitna komisija za vozače motornih vozila, Komisija za utvrđivanje uvjeta rada autoškola, Komisija za kontrolu uvjeta rada autoškola, Komisija za kontrolu polaganja vozačkih ispita, Komisija za provođenje ispita za sticanje licence ispitivača, Komisija za provođenje ispita za sticanje zvanja vozača-instruktor motornih vozila) za potrebe Poreske uprave.
 - Zaposlenici Odsjeka su učestvovali u radu više komisija za javne nabavke, gdje su pored izvršavanja redovnih zaduženja proizašlih iz nadležnosti komisija za javne nabavke učestvovali na brojnim sastancima za dobavljačima/ponuđačima, izrađivali razne dopise, obavještenja i ugovore o javnim nabavkama.

SEKTOR ZA KULTURU I SPORT

Kultura i pitanja mladih

U 2011. godini su se u oblasti kulture i omladinske politike aktivnosti uglavnom koncentrisale na:

1. Izradu *programa* raspodjele sredstava sa transfera u nadležnosti Ministarstva. Ministarstvo je formiralo komisije za odabir projekata iz oblasti: omladinskih pitanja, zaštite kulturno-historijskih spomenika, kulturnih manifestacija i izdavačke djelatnosti; Komisije su formirale kriterije i izbodovala dostavljene projekte. Prijedloge komisija je Ministarstvo uputilo Vladi Kantona na usvajanje. Također je urađen i Program raspodjele sredstava sa „Transfera za ustanove kulture“ i „Transfera za podršku vjerskim zajednicama“, koji je i usvojen od strane Vlade Kantona.
2. Iz oblasti omladinskih pitanja odabrano je 58 projekata, iz kulture je odabrano 88 projekata, iz oblasti zaštite spomenika je odabrano 20 projekata.
3. U toku mjeseca februara, urađen je Izvještaj o utrošku sredstava za 2010. godinu sa transfera iz nadležnosti Ministarstva za obrazovanje, nauku, kulturu i sport koji je razmatran na sjednici Vlade.
4. U skladu sa zahtjevima izdavane su preporuke za ustanove i organizacije kulture za projekte koje su kandidirali za sredstva iz budžeta drugih nivoa vlasti.
5. Ministarstvo je završilo proceduru uplate doprinosa iz Budžeta Kantona za samostalnog umjetnika Kemala Mahmutefendića i Ahmeta Hundura.
6. U skladu sa Zaključkom Skupštine o izradi Informacije o stepenu realizacije Strategije omladinske politike na području Zeničko-dobojskog kantona za period 2010.-2011. godina, Ministarstvo je pripremilo Program implementacije koji se odnosi na dio iz nadležnosti Ministarstva za obrazovanje, nauku, kulturu i sport i Pedagoškog zavoda.
7. Predstavници Sektora su učestvovali u radu Komisije za mlade Skupštine Kantona i drugim sastancima i seminarima vezanih za omladinsku politiku. Pored toga redovno se prisustvovalo seminarima i edukacijama iz oblasti državne službe i kulture.
8. U okviru programa EU Kulture koji provodi Ministarstvo civilnih poslova BiH i UNDP dostavljani su podaci iz oblasti kulture na području Kantona. Predstavnik sektora je prisustvovao prezentaciji Akcionog plana za provedbu Strategije kulturne politike u BiH.
9. U toku 2011. godine, na sjednici Skupštine prihvaćena je Informacija o stanju institucija kulture na području Zeničko-dobojskog kantona, te su u skladu sa zaključcima Skupštine, pripremljeni projekti za sufinansiranje centara za kulturu.
10. U predmetu „Zgrada turskog suda“ u selu Ribnica-Kakanj, Ministarstvo je izdalo Rješenje o zabrani građenja i izvođenja radova na predmetnom lokalitetu dok Komisija za očuvanje

nacionalnih sopomenika ne donese konačnu odluku. RMU Kakanj je na pomenuto rješenje pokrenuo upravni spor. Nakon odgovora Ministarstva na tužbu Rudnika, Kantonalni sud u Zenici je potvrdio Rješenje Ministarstva. U toku 2011. godine nije završena procedura od strane Komisije za očuvanje nacionalnih spomenika.

11. Ministarstvo je u skladu sa svojom politikom u ovoj oblasti nastavilo podržavati temeljne ustanove kulture kao nosioce kulturne djelatnosti. Tu se prije svega misli na biblioteke, muzeje i Bosansko narodno pozorište. Ministarstvo je, također, podržalo i niz značajnih kulturnih manifestacija.
12. Ministarstvo je na osnovu prijedloga Komisije za provjeru uslova za osnivanje Muzeja Tešanj, donijelo Rješenje o osnivanju muzeja u Tešnju.
13. Na osnovu programa rada Vlade i Skupštine, urađena je Informacija o stanju medija na području Zeničko-dobojskog kantona, na osnovu podataka iz općina. Informacija je razmatrana i usvojena na sjednici Vlade.
14. U toku 2011. godine, a nakon negativnog mišljenja Zavoda za zaštitu spomenika F BiH, Fondacija Arheološki park: Bosanska piramida Sunca je uputila zahtjev za davanjem saglasnosti za vršenje radova van zaštićene zone na lokalitetu Visočica, Plješevica, Gornja Vratnica, tunela „Ravne“ i „KTK“. S tim u vezi Vlada Kantona je ovlastila ministricu Ministarstva za obrazovanje, nauku, kulturu i sport da formira Komisiju koja će utvrditi postoje li uvjeti za nastavak istraživanja. Komisija je na osnovu dokumentacije utvrdila određene nedostatke te sugerisala da se isti isprave.
15. Prikupljani su redovni tromjesečni izvještaji o utrošku sredstava za ustanove kulture, kao i izvještaji o namjenskom utrošku sredstava sa ostalih transfera za 2011. godinu. Subjekti koji nisu dostavili izvještaje o namjenskom utrošku sredstava su obaviješteni o obavezi dostave istih.
16. U toku budžetske 2011. godine, a na osnovu Zakona o samostalnim umjetnicima, zaprimljen je jedan zahtjev za priznavanjem statusa samostalnog umjetnika, a isti će Stručno vijeće razmatrati u 2012. godini.
17. Predstavnik Sektora je učestvovao u radu Komisije za reverifikaciju predškolskih ustanova na području Zeničko-dobojskog kantona.
18. Urađeni su i kvartalni izvještaji o utrošku sredstava sa transfera u nadležnosti Ministarstva za 2011. godinu, koji su proslijeđeni Ministarstvu finansija. Krajem godine se krenulo sa izradom Izvještaja o utrošku sredstava sa transfera u nadležnosti Ministarstva, za 2011. godinu.
19. Ministarstvo je u mjesecu oktobru objavilo Javni poziv općinama za dostavu projekata koji će se sufinansirati u 2012. godini. Izvršen je prijem projekata, analiza dostavljene

dokumentacije, pripremljeni su podaci za rad komisija. Od općina su traženi predstavnici za komisije. Komisije su u mjesecu decembru održale svoje prve sastanke.

20. Vjerskim zajednicama sa područja Zeničko-dobojskog kantona je upućen zahtjev za dostavu programa i projekata koji će sufinansirati sa „Transfera za podršku vjerskim zajednicama“ u 2012. godini.
21. U 2011. godini, urađeno je 45 prijedloga zaključaka o odobravanju sredstava rezerve sa „Transfera za kulturne manifestacije i izdavačku djelatnost“, 17 sa „Transfera za omladinske projektne aktivnosti“, 3 sa „Transfera za zaštitu kulturno-historijskih spomenika“, te 7 prijedloga zaključaka o odobravanju sredstava sa „Transfera za podršku vjerskim zajednicama“, u ukupnom iznosu od 61.855,00 KM.
22. Uz ove obavljani su i svakodnevni poslovi i aktivnosti iz oblasti kulture, omladinske politike: odgovori na zahtjeve i molbe, davanje mišljenja, prijem stranaka, kao i pisanje prijedloga zaključaka Vladi Kantona.

Sport

S obzirom da na početku godine nije bio usvojen Budžet Zeničko-dobojskog kantona za 2011. godinu nije bio urađen ni Program utroška budžetskih sredstava namijenjenih za sport za 2011. godinu. Komisija zadužena za izradu prijedloga Programa utroška budžetskih sredstava za sport za 2011. godinu završila je pregled aplikacija i usaglasila kriterije za bodovanje na osnovu kojeg je kasnije urađen prijedlog Programa utroška sredstava za sport. S obzirom da su pristizali zahtjevi za plaćanje kotizacija takmičenja Ministarstvo je uputilo Vladi prijedlog zaključka o davanju saglasnosti za isplatu sredstava sportskim klubovima za plaćanje kotizacija a po osnovu Odluke o privremenom finansiranju Zeničko - dobojskog kantona za period januar-mart 2011. godine.

Tokom februara i marta 2011. godine Ministarstvo je izdavalo naloge za isplatu sredstava po osnovu Odluke o privremenom finansiranju Zeničko-dobojskog kantona za period januar-mart 2011. godine i po osnovu posebne saglasnosti Vlade za plaćanje kotizacija takmičenja kao i po osnovu posebnih zaključaka Vlade u vezi sa pojedinim zahtjevima sportskih organizacija.

Tokom aprila urađena je konačna verzija Programa raspodjele sredstava sa budžetske pozicije „Transfer za sport“ a pošto je prethodno usvojen i Budžet Zeničko-dobojskog kantona za 2011. godinu prijedlog Programa upućen je Vladi na razmatranje i usvajanje. Program utroška sredstava iz Budžeta Zeničko-dobojskog kantona sa pozicije „Transfer za sport“ Vlada je razmatrala i usvojila 29.04.2011. godine. Budžetom Zeničko-dobojskog kantona za 2011. godinu pod stavkom „Transfer za sport“ planiran je iznos od 779 917,00 KM.

Ukupna vrijednost izdatih naloga za plaćanje u 2011. godini sa pozicije u Budžetu Zeničko-dobojskog kantona „Transfer za sport“ je 710. 930,00 KM. Vrijednost izdatih naloga predstavlja 91,15 % od iznosa sredstava za sport planiranih u Budžetu Zeničko-dobojskog kantona za 2011.

godinu prije rebalansa. Od prvobitno planiranog iznosa sredstava za sport u 2011. godini (779 917,00 KM) preostao je neutrošen iznos od 68.987,00 KM zbog toga što nisu isplaćeni svi planirani iznosi za kotizacije (u streljaštvu, judou, plivanju, biciklizmu, košarci, nogometu, atletici, rukometu, tenisu i šahu) jer klubovi i njihovi savezi nisu dostavili traženu dokumentaciju za plaćanje kotizacija koje ove godine nisu plaćane direktno na račune saveza već na račun klubova.

U martu 2011. godine Skupština kantona usvojila je Nacrt zakona o izmjenama i dopunama Zakona o sportu a tokom narednih 45 dana izvršena je i javna rasprava u vezi sa ovim zakonom u svim općinama Zeničko-dobojskog kantona.

Tokom mjeseca juna sprovedene su rasprave na skupštinskim komisijama i dati su odgovori na predložene amandmane na Prijedlog zakona o izmjenama i dopunama Zakona o sportu koji je nakon toga razmatran i usvojen na sjednici Skupštine kantona. Tokom mjeseca augusta Vlada je razmatrala i usvojila Informaciju o sportskoj infrastrukturi (o sportskim objektima).

Javni poziv za dostavljanje prijava za dodjelu sredstava za sport iz Budžeta Zeničko-dobojskog kantona za 2012. godinu objavljen je 22. oktobra i bio je otvoren do 24. novembra 2011. godine. Tokom decembra izvršen je pregled aplikacija za dodjelu sredstava sa pozicije „Transfer za sport“ iz Budžeta Zeničko-dobojskog kantona za 2012. godinu.

Glavni problem u oblasti sporta i dalje ostaje finansiranje jer ni Zakon o sportu na nivou Bosne i Hercegovine u tome pogledu nije donio ništa novo. Mnogi sportski klubovi zbog finansijskih problema jedva opstaju, a nedostatak finansijskih sredstva negativno utiče i na unapređenje stručnog rada u sportu, unapređenje prostornih uslova i opreme, organizaciju rada itd. Uprkos činjenici da se iz budžeta kantona i općina ne može finansirati cjelokupni sport još uvijek dobar dio sportskih radnika postavlja nerealne zahtjeve očekujući da se svi finansijski problemi u sportu trebaju riješiti dobivanjem budžetskih sredstava od Kantona i općina.

Što se tiče sportskih manifestacija u 2011. godini mogu se istaći organizacija Međunarodnog atletskog mitinga koji je održan u Zenici, Evropskog teniskog turnira za juniore „Zenica open“, zatim rafting pod nazivom „Za čistu Krivaju“ itd. Uprkos teške finansijske situacije sportisti sa područja Zeničko-dobojskog kantona ipak ostvaruju zapažene rezultate u atletici, u boričkim sportovima (karate, judo, kick-boks, taekwondo), stonom-tenisu i tenisu, odbojci, rukometu, plivanju, u sportskim takmičenjima invalida itd. Također vrijedna pažnje su i masovna takmičenja učenika u okviru tzv. MOI (Male olimpijske igre).

ODJELJENJE ZA INSPEKCIJSKE POSLOVE

Poslove i radne zadatke u 2011. godini, Inspektorata za obrazovanja izvršavaju glavni kantonalni inspektor i dva inspektora za obrazovanje.

- U ovom izvještajnom periodu su obavljani poslovi u skladu sa utvrđenim programom rada, kao i na osnovu vanrednih potreba (interventno).

Inspekcijskim nadzorom je, po predviđenom programu, obuhvaćeno 238 preglednih jedinica i to: 19 predškolskih ustanova, 59 osnovnih škola (centralne), 121 područna osnovna škola, 31 srednja škola, 1 dom učenika i 7 visokoškolskih ustanova.

- Predmeti inspekcijskih pregleda su bili: organizacija nastave, primjena pedagoških standarda, stručna zastupljenost nastave, prijem nastavnika po konkursima u skladu sa Kriterijima o načinu bodovanja kandidata prilikom zasnivanja radnog odnosa nastavnika, stručnih saradnika odgajatelja i ostalih zaposlenika u osnovnim i srednjim školama i đačkim domovima na području Zeničko-dobojskog kantona, evidencija i dokumentacija, ljekarski pregledi, godišnji programi rada škola, trajanje nastave, primjena nastavnih planova i programa, ocjenjivanje učenika, polaganje ispita redovnih i vanrednih učenika, izdavanje dokumenata o stečenom obrazovanju i upis učenika u prvi razred i studenata na prvu godinu studija, provjera vjerodostojnosti obrazovnih dokumenata, provjera angažovanja nastavnika i saradnika za realizaciju nastave na Univerzitetu u Zenici i pregledi na osnovu prigovora i zahtjeva stranaka.
- Ukupno je izvršena 446 inspekcijskih pregleda i to: 211 u osnovnim školama, 213 u srednjim školama, 5 u predškolskim ustanovama i 17 na visokoškolskim ustanovama.
- Na osnovu izvršenih inspekcijskih pregleda izdato je 39 rješenja za otklanjanje utvrđenih nedostataka, sa ukupno 49 naređenih mjera. Inspekcijskim pregledima izvršena je kontrola izvršenja rješenja.
- Podneseno je 10 zahtjeva za pokretanje prekršajnog postupka protiv roditelja koji nisu obezbjedili da njihova djeca (školski obveznici) redovno pohađaju nastavu u određenom razredu osnovne škole.
- Izvršena je provjera vjerodostojnosti diploma i svjedodžbi, na traženje Federalnog ministarstva za obrazovanje, Porezne uprave F BiH - Kantonalnog poreznog ureda, Ministarstva vanjskih poslova BiH i ostalih pravnih subjekata. Ukupno je provjereno 32 diplome i svjedodžbe.
- U izvještajem obuhvaćenom periodu Odjeljenje za inspekcijske poslove je izvršavalo i ostale poslove iz svog djelokruga: prijem stranki, razmatranje zahtjeva i žalbi i davanje određenih tumačenja i uputa.

(Izvještaj direktorice Pedagoškog zavoda se dostavlja u prilogu)

Dostavljeno:
1x Premijeru Kantona
1x Sekretaru Vlade
2 x a/a -02

MINISTRICA
Bernadeta Galijašević, prof.